



12296

冠悔堂賦鈔卷四

侯官楊浚雪滄著

太華峯頭作重九賦 以題爲韻

菡萏名山茱萸勝會落帽風前洗盆天外集上界之衣冠
覆巽雲於松檜自信青天可問佳句重攜莫嘲卓午相逢
瘦生何太風雨滿城中車命駕陟日月之峯曉招鸞鶴而
躡跨白帝西來王母晝下丸泥函谷何年老子入關一綫
黃河共說巨靈擘華巖巖石榻寂寂梵鐘極天山淨古洞
塵封小黃圖於一覽訪丹竈之遺蹤依然賓客南昌登高
九日絕好兒孫西嶽羅立諸峰雄鎮豫州素節當秋幸吾
儕之健在算奇絕兮茲游歲將云暮樹是無憂故里重來

冠悔堂賦鈔卷四

正與盧敖舉臂買山可駐胡爲巢父掉頭桑落同傾藥埤
兀坐千仞青蒼九天欵唾投書不廢韓文餐菊且歌楚些
笑戲馬還登宋武佳節相思問墜驢可有陳搏此生何作
少焉日夕歸而扶筇或騎白鹿或策蒼龍佩紉纓禾手把
芙蓉聽前度之管絃曾宴幔亭曲曲挹最高之呼吸能通
帝座重重覽古讀碑舉杯搔首有人玉井觀花幾處白衣
送酒吏不催租心都離垢造化何來巨斧斫地成三神仙
自有長繩亘天折九秦塞巍巍嘉辰度度筆借神風掌擎
仙露訂蠟屐於明年留茅龕以小住我自題名一代不愁



夢得無詩誰爲封禪百家更倩少陵作賦

冠梅堂賦鈔卷四

東坡金陵遇荆公賦 以積李崇桃峯多江遠爲韻

並世才名一時主客晤西掖之同羣訪南朝之勝迹有四
百八十寺審畫樓臺此三萬六千場消磨笠屐江山何似
故鄉風月且談今夕花飛卜冢祠尙在兮如新草長謝墩
恨與年兮俱積昔坡公左遷金陵戾止離合一身去來萬
里酒家欲問秦淮宦味只如江水銘旌姓氏空嗟庾嶺庖
民儲藥邱山已失黃州幼子誰作一雙秋水銅劍贈君正
逢卅五年華玉芝和李倏來舊宅得遇荆公自笑一官屣
做何期我輩樽同時方八月歲在元豐秋色作愁天地竟
成逆旅殘山無恙兩風不廢吟筒王氣母乃黯然人物傷

冠悔堂賦鈔卷四

三

百年以後封侯何足算也文章比五等之崇想見故人未
病甲第仍高具秋水暮煙之概習穿花斫竹之勞江鄉狎
鷺水國持螯三畝獨歸集舊游之裙屐十年長別訊健在
之皮毛乃公爲解脫真仙能知捨宅而我是再來道士欲
問種桃於時入林把臂到寺尋蹤相催吟鉢同聽梵鐘燕
子梁空門巷已非舊主瓢兒菜長田園重話家傭故交落
落遠恨重重好夢吳王唱到磯頭赤石儻逢蔣尉數將江
上青峰西風執手北固浩歌此地長留詩卷兩人欲築行
窩寄王樵悴玉局蹉跎文字論交薄齊梁之小子離騷重
讀挹屈宋之餘波卻憐飯後騎驢從公不早自歎身宮磨

蝸知已無多有王勝之者嘯儒得一游侶成雙欲收畫戟
來拜金幢小憩半山之寺且停北郭之艤不聞古埭鳴雞
千門漏歇空說雄關踞虎一片旛降歷歷前游如見南飛
烏鵲滔滔濁浪已拚東去大江嗟夫勝地尚存先生不返
誰書青李來禽只合和詩喫飯公靈固一代之雄予生何
重來也晚託身奎宿無慚天上文星覓句鍾山不朽袖中
詩本莫問花開花落星辰爲底參商每懷江北江南山水
何分近遠

渴睡漢賦 以渴睡漢狀元及第爲韻

幾翬眼揩使君鬢捩皮相空嗤狀頭已奪忽驚平地雷霆
獨得公門衣鉢莫笑挑燈寒夜入夢如癡不辜射策大廷
求賢若渴當呂文穆之席帽未離囊繩是寄世誰躡躡相
憐鬼亦擲揄競戲磨蝎在身僵蠶比醉所期燒尾來爭河
鯉先登未問調羹且與梅花同睡高枕支頤短衣至髡魯
酒多酸布衾待旦讜言則五臟神驚凡骨則千金丹換二
子在旁熟視由來不識泰山丈夫有志竟成此語當非河
漢爰乃整衣宵興納卷朝唱不同大塊浮生竟擢文章宗
匠一夢舐天三層躍浪差喜未遭紅勒試官今日能容卻

冠梅堂賦鈔卷四

五

思輒飽黑甜賤子少時無狀豁醒人海排入天門露華沆
瀣雲氣崑崙我已星精炯炯誰仍醉夢昏昏吉語無欺祀
神君於九烈英雄非賺話朝士於開元是知謝莫漫加名
由自立請看虎氣終騰未必龍身久蟄無礙槐安有靈柳
汁蚍蜉撼樹笑他本不自量蛙黽窺天料我何曾能及迄
今藥榜天開花飄日麗夢不戀衾奮爭投袂萃丞相於一
家拜許公於兩世猶記才儲夾袋共好漢之功名每懷恩
重朱簾足睡鄉之門第

種蕉學書賦 以芭蕉分綠上窗紗爲韻

三弓拓地五色生花栽柿葉兮何小鋪麥光而無瑕儻臨
逸少之池誰愛寫經道士錯認揚雄之宅竟來問字侯芭
綠天何處咄咄僧寮夕陽一角細雨千條商量欲覓良田
有書可學省識別無長物所種惟蕉則見呪鉢噴水荷鋤
劇雲無數青羅之扇奚殊白練之裙笑傲此生不作尋墮
一夢消磨何事能爲入木三分爰乃抽此重重灑將曲曲
鳳尾四垂牛腰一束猶是披蒲五夜不滅殺青幾如刻楮
三年都成結綠萬本有資雙鉤是做漏夜月而留痕墟春
風以入掌手追碧落卻疑科斗有神心叩黃庭同證菩提

冠悔堂賦鈔卷四

六

無上時也香初墨潑飯後鐘撞長歌可贈宿酒初降爲言
修竹莫彈我解翦除幽谷所願白雲無恙請同檢點晴窗
題銘有客築冢名家三昧自稱草聖六時共話長沙摩詰
相逢更倩雪中作畫閣黎儻識定教壁上籠紗

只談風月賦

以今夕只談風月爲韻

偃王胄茂吏部堂深薄五官之寸進值一刻之千金有徐
修仁者和風入袖朗月披襟起視未央不負好天良夜縱
談何事無非往古來今如此佳辰何來濁客彼枉干人我
難破格若輩敢效曳裾吾徒且分片席清明買原最易不
用一錢富貴拜豈堪求卻嘲七夕五緡何輕一方可擬客
眞不速而來天竟有情若此蝦蟆自鬧爲官奚問私乎螃
蟹獨持不諒且憑人只時也賦閒得兩對影成三宦途最
慎世味詎諳暢予懷兮浩浩憎多口兮誦誦溯十八之排
行封姨宛在歷三五之盈缺羿妻能談爰爲之誓曰銓衡
不爽厥維青宮勿庶人雌宜大王雄六聲水上颯颯至公
我心飄忽有如此風又曰今夕何夕依金谷罰天知神知
狡兔在窟勉也選官對命一笏汗穢太清有如此月

冠悔堂賦鈔卷四

七

吟風弄月賦

以有吾與點也之意爲韻

嵩雲徘徊伊闕左右發絲竹之宮商拓天地爲戶牖謾謾
長留團團不朽自南自北欲呼小子歸歟卽色卽空豈等
先生烏有爰有風月斗室是娛披懷灑落瞻範清腴自詔
春陵長者得借沂水生徒買來不用一錢毋須取爾坐處
只談今夕所好從吾吟彼悠揚弄茲高舉參消息於八方
悟盈虛於四序噫氣自來前身誰侶洋洋盈耳憑截竹之
短長處處當頭笑登梯而取與則見轉蕙有光磨珪無玷
萬竅皆號一塵不染契花鳥之精神撫圖書而束檢有客
彈琴林下修竹泠泠何人讀易窗前楊花點點爾乃廓步
冠梅堂賦鈔卷四

八

太清扶輪大雅是道足以興觀此心於焉藏寫山斗公尊
文章我假九州已遍守雌肯學庶人萬象在旁對影重邀
白也維時吾廬可愛爾室無私凌空嘯傲掬水淪漪旣別
開乎生趣儘可入於新詩平分佳日春秋伊人宛在同樂
無邊光景吾道何之一卷名山千秋樂地人籟根乎聲聞
神光澈於胸次不遠會心可同把臂晤中央之魚戲池蓮
尙在人閒聽兩部之蛙鳴庭草亦憐天意

江東暮雲賦 以題爲韻

長留詩卷檢點晴窗卿當獨步我肯相降仰太虛之冉冉
隔一水之淙淙牛渚青天如見扁舟散髮長安落日獨愁
有酒盈缸時則少陵之憶太白也吞聲惻惻顧影幢幢此
也山頭戴笠彼也白下飛鸞得當塗聚族而居分否俸錢
十萬正天寶亂離以後賸將煠火隻雙長句何工試問近
來海內歲華欲晚卻憐一卧滄江好景云暮片雲當空非
粉洞連絲之白非建章一朵之紅在山未必無心請陳賤
子交道不會翻手獨念寓公無限盪胸之感空嗟跋扈之
雄五色還飛猶見昭陵路上三年強別相望姑熟舟中歎

冠梅堂賦鈔卷四

九

英英之在邇思齋齋而何窮欲千里兮命駕乃一葦兮難
通那堪蒼狗須臾我歸天上差幸青山無恙汝在江東而
白也往來宣城之區旦夕秦淮之渡有若楊利物緣水言
愁有若崔宗之舊邱緩步有若宇文太守登碧海之高樓
有若王屋山人戀東窗之玉樹裙屐一時星霜幾度想其
江左盤桓秦中泅泝豈獲落而自甘且踟躕而顧遇昔則
逼緯臥衣今則看碑著屨報恩未了臣曾天子呼來憎命
何堪我亦美人遲暮夫何一樽遲汝三夜夢君苦道旣來
不易差池竟在斯文建業何遙逐客渺無消息敬亭獨坐
故人可念同羣蓋自梁宋訂交之始蜀秦歧路之分望歸

荔荔觸緒紛紛瓦官之圖欲乞梁父之詠無聞已矣前塵
莫道江南瘴癘傷哉蔽日何來天末氤氳剛逢亂叫羣雞
屋梁落月似斷隨陽一雁河漢微雲嗟夫江草何齊江花
自吐渺渺江波迢迢江路我望函谷青牛君在中洲白鷺
沙邱一什取書爲汝頰看禹穴重尋問訊更誰肯住況當
垂暮懷人停雲道故豈無波浪翻愁得水蛟龍猶是卷舒
長伴在天烏兔正冠蓋滿乎京華獨釣竿隨乎煙霧伴狂
欲殺盼斯人匡阜來歸顛顛誰憐悔當日明堂能賦

冠悔堂賦鈔卷四

鎮海樓賦

有駙馬都尉王恭者洪武之初莅茲閩土歎元制之凋殘
登四門而眺臨周覽方輿志在復古迺命指揮李惠等築
鑿城池建立譙櫓於是跨山而設樣樓爲海濱第一之門
戶邑人曰善砌石爲雄緣基特振不日成功但見描繪雜
沓金炫漆融若鳳距之電搖軒闌界旦若鳳冠之雲聳梁
棟卧虹若鳳翮之颯揚新相璀璨若鳳翼之霞散畫桷玲
瓏僉以遷城記云其城似鳳氣勢盤空自有此樓翩然飛
翽又見環脊波詭捲簾珠跳蚪蟠柱轉魚奮豐雕櫺瓦若
龍鱗之排漢摩蓋若龍領之垂霄飾梲若龍睛之閃爍攢

冠海堂賦鈔卷四

十一

虛若龍角之喬嶢僉以此地古之龍腰得茲樓永鞏地脈
俾重山萬里來朝蓋前此樓者南有清風我訪九仙北有
綏帶我思名將西有蕃宣我弔故宮東有堆玉我懷保障
清微東山宏煥巨天望雲西湖對峙銜嶂是名九樓師孟
所勗次爲沙合利涉廬宅雲連次爲虎節還珠構榭在望
爲大都督府檠戟排衙爲威武軍門銅盤立仗是名七樓
子固所倡豈美奐如斯而甘前人讓不觀乎曾子解吟煙
花萬井劉郎善詠襟帶八州王毓德詩社登高滄江覽勝
車大任郡城平眺鼓角悲秋往古來今袞袞衣冠安在江
分山合茫茫邱壑誰收此皆後死之責所當載筆而游也

嗟夫隙過駒白駒至百年劫換半紅人煙一阜歎明珠之
無價屠龍今復何爲嗟異類之與居養虎誰當其咎寮題
絕學讀書重覓相公官重清廉見石難逢太守十三橋之
木柝猶喧廿五聲之銅鉦莫扣飲馬池荒金雞井垢吾不
知翠濤亭外有能補以萬松否厥後此邦人士以閩疆環
海處於極邊蒼海山莽莽海天海雲北起海日東懸海
波冥渺能納百川海市浮囂能開百廛遂改此樓爲鎮海
錫佳名於億萬年

冠悔堂賦鈔卷四

還珠門賦

以國人望君如慈父母爲韻

有嚴辟疆者江漢懷清涯岸潤德居官惟明照人在側智
欲圓而行無類事不遺而記輒得曜臨福地十乘增光澤
普治城千里生色循謝泌去思橋之遺政繼守黃堂易閭
王歸投門之故名壯觀南國爰錫還珠之額書於重譙煥
然一新非荆楚善賈倒還而留積非桂陽求媚封還其貢
珍非分野值女牛之星離珠入度非疏河濟淮夷之利蠶
珠採民蓋取孟嘗秉潔合浦稱神用以鎮茲通衢地揭以
示我大邑人迺稽其門虎節背聳薇垣面向屹立兩途遙
矚叠嶂逼七星第一井天府津梁環四隅十三橋中央保

冠悔堂賦鈔卷四

七

障柝喧雉堞春風夾道榕陰水暖蚌胎明月滿江漁唱歎
鬪氏之殘山無恙逝者如斯斲獅子而頑石能靈儼然在
望見夫雕甍則魚眼眩日畫棟則驪頰凝雲節稅則蛇口
吐火構櫺則鮫皮縐紋鼈足轉柱而旋舞羊鬢拂櫺而續
紛虬髯繞極斑璘天闕蛛腹盤礎率璣江濱七樓相依接
棨戟於大都督百步以內捧銅盤於威武軍豈須衣換茅
龍補屋重煩逸士爭說騎迎竹馬排衙同拜使君曾幾何
時火齊燭閭劫衣揚天瓦礫成墟如觀陸渾山如賀參元
書如然阿房炬如蕪介子廬昔緯蕭簷鍛珠成難於海客
金城門火亡珠同殫及池魚笑南離之禳術石孟有巫紛

若湖龍啓之劫修臺閣此地焚如降而堅壁重營陳珂助
俸高垣從樸林瀚泐碑屏金壁華卽王者不愛寶意爲桑
梓式繫小民必恭敬思時則高風吹倒雙門衢謠競誦舊
築來賓三藏闕史存疑邦人持漿乘春社互談今昔野老
曳杖憩甘棠猶說仁慈他如更名不一義各有取政清平
爲海晏迹尙可稽以兼濟易通津令則復古定安豐樂望
衡牛屬鳩居樂郊行春聽漏尙傳鼙鼓得毋效王霸以迎
仙得稱與元絳之遺愛爲伍抑本君家之嚴勝甯米得兩
竟署嚴門嚴高拓圖紀德同龔嚴父嗟乎隙過駒白勝地
千秋刼換羊紅江城一阜市籠放火幾經滄海桑田楊萊
古

冠悔堂賦鈔卷四

古

吹風安問巖頭矢口歎明珠之無價何事釣龍嗟臣門之
大開不數續狗四十里之蚺蛇不來廿五聲之銅鈺莫扣
弔古登陴積憂成藪所願大還小還之赤日重覩蒨崖豐
家更期還唐還虞之淳風胥祝召父杜母

澎湖弔古賦

粵稽扶餘稱孤望海以賀髻客夜郎自大迎流而剖竹王
劉淵託漢甥於邊徼射佗號假帝於蠻荒亞子獨矢臣躬
五季不墜田橫恥爲羣虜百人以亡西臺浩歌晞髮下逋
臣之淚厓山塊肉痛心拜寡婦之航十三州一劍長寒投
詩昭諫廿八字孤琴在抱草檄天祥此望古者登裸人之
國入窮髮之鄉乘槎張騫探源必極牛斗負石徐衍避世
欲訪扶桑況更聽畧樹之鳴猿殘山無恙話皇天之贈鹿
勝國不忘有高陽之遺裔溯伊人兮中央能勿與懷邱苑
相與激昂維彼澎湖魯王故府監國僅及七年明社猶存

冠梅堂賦鈔卷四

五

片土載蓬壺之童女一舸爲家泣零丁之戍兵七哀未炬
天子儻稱日出或延一綫鐘鏞神州已見陸沈豈數彈丸
樓櫓乃有臥起輪雪窖之忱閒關歷麻鞋之苦紅羊浩浩
祝刼火不到桑田朱鳥噓噓盼血食長留海嶼駕九秋之
白馬來乘伍子波濤鑿三尺之黃天上抗斬王桴鼓臣心
未死松楸尙奠千官天命有歸圖讖終亡三戶嗟朝鮮之
外服未得捧書慟子嬰之再傳已甘繫組大招一曲斷魂
於狇鳥蠻花降表幾封雪涕於柳風竹雨烈皇已逝雖有
傳人我輩居今尤宜稽古迴念未臨絕嶠詭託牧兒加刃
弗中稱藩自持值十七年之未造募三百人以肇基草橋

張弓火攻畫策西興轉舵蓐草誓師戰錢塘而江風正利
奪敵浦而嚴城制奇夫何擊蘭杜門無補商鞅之失華衣
呵殿已生伯嚭之悲印綬沈淪學士蹈海衣冠顛倒少傅
躍池及乎倉皇脫屣侍從奔隨長垣卜居絲綸東閣鷺門
小憩冠服南夷苜蓿干羣舍人作大哀之賦鱗鴻片紙記
室留絕命之詞縛袴登舟行閒勞酒採薯絕谷壁上題詩
湖厥瑣尾莫此流離乃次閩安於焉戾止繫裾判事朝衣
血灑孤臣流水片心佳兆夢歸道士復泊沙埕之區更迎
健跳之里退朝水殿狂濤與落日交流再扈舟山巨礮據
孽龍而起於是乞師日本琵琶奏亡國之音禳醮台州符

冠悔堂賦鈔卷四

六

錄中敵人之技擧旂風反上將焚如貫雨星飛天心去矣
蠅灘鯨背泣妃嬪而瘞宮花蝨戶鮫人奉君王而登海市
空致孝陵之祭編素六軍已回南澳之居廟堂一水維時
永歷仍賜敕相加成功欲遷蹕於此蓋其入於澎瀾也爲
己亥之年其殂於臺灣也在壬寅之紀桓世子旣捧册而
降甯靖王亦投繯而死小腆告終海氛乃收嗟夫東瀛板
蕩南紀天開鳴草雞而闢洪荒毘舍都成沃野驕長鯨而
通市舶椎髻胥樂春臺鹿耳秋潮曾會四夷之譯牛心夜
月誰銜萬壽之杯乃軍是沙蟲盡投潮汐而堂屠燕雀倏
化草萊依然赤嵌孤城崔嵬千古爲問玉魚舊地寂寞一

坏迄今過竹灣而憑眺厯花嶼而徘徊生犀在手怪石猶
胎建幢何處鼓楫獨來一將全忠笑史官之闕筆五妃並
命尋王室於荒埃問津欲倩魚郎卅六島如聞腥臊銜石
不勞精衛三千年重話劫灰

冠梅堂賦鈔卷四

七

澎湖弔古賦 以題爲韻

昇王半壁水國危城戈船鼙鼓海市銅鉦遣中流之飛將
屯孤注之羸兵士慙烏鰂臣夢紅鯨童女三千誤乘舟於
徐福壯夫五百痛穿冢之田橫有客告我是爲臺澎在昔
魯王曾此卜都泣孝陵兮一掬謁監國而三呼將傾明社
欲拓雄圖乃讀大哀之賦難開小腆之符犀甲錢塘風月
已成逝水花田南漢樓臺半屬平蕪塊肉無存已矣匡石
攀髯易絕傷哉鼎湖溯自稽山入於閩嶠鷺嶼狂濤螭灘
夕照學士沾衣將軍捧詔舟人與語拜綵仗於千艘帝子
無家抱劫灰於九廟蛟龍有失水之愁燕雀乃處堂而弔
爰泊東溟稱爲天府聽草雞之初鳴駕沙鯤而欲舞葦爾
朝廷巋然門戶十七傳賸水殘山卅六島椰風棧雨問蒼
生之萼葉漢席虛前收黑暗之珊枝周網好古無何潮汐
空還鐘虞不祚滄澗已塵儲胥誰護託黃竹於浩歌訪赤
嶽之舊渡遺矢重逢青牴庭燎無光知更猶喚白鳩宮籥
莫訴請看降表幾封留作登高一賦

古月賦

以今月曾經照古人爲韻

嬋娟獨步混沌寸心千年歷歷萬籟沈沈伴晨星兮寥落
閱碧海之淺深云何不蝕團圓至今倏往倏來旋出旋沒
神植已枯清光未歇望古何年思君滿月八千春兮八千
秋三五盈而三五闕爰有姮娥在最上乘笑望夫而不老
憶竊藥兮渠曾忘情太上誰結長繩青天夜夜玉貌棱棱
纖阿久御騫樹長青玉斧已缺金墓能靈廣寒安在法曲
飄零記姓名於蝌蚪捧一卷之仙經秦時漢時何胸何眺
吳宮魏宮或歌或弔胡爲及茲其容如少十二萬年不疲
屢照欲搔首而問天忽停杯兮西笑大塊文章壽之千古

冠悔堂賦鈔卷四

五

有客抽臺東鄙初祖熟羊脾兮幾時賸清虛之故府無恙
江山一輪吞吐已矣哉後見來者兮前見古人悠悠天地
兮爲逆旅之塵指西海以爲期兮我思前身

雪花大如手賦

以盈尺瑞兆豐年爲韻

六花飛出五指分明厥形似手其白如晶是雪也一陽轉
運萬寶告成視有紋而莫辨聽若雨而希聲席可漫天昔
比燕山之大園能積地今占天庾之盈當夫四野望雲三
農待澤觀世界之如銀訝乾坤之忽白頃刻能開倉箱有
獲誰翦皚皚妙質一枝兩枝何來片片奇英上尺下尺是
花非花不類而類視掌如斯浮漚若寄展巽二之襟伸勝
六之臂天開不夜裘棉藉慰孤寒史紀有年秉筆特書休
瑞蓋其大也近取諸身空絕飛鳥悟左右之轉旋割陰陽
之昏曉覆雨翻雲天末地表好似袁安閉戶未肯干人真

冠梅堂賦鈔卷四

三

同沂國和羹已先有兆爰如手焉兜羅善舞姑射化工能
挾雲漢獨闢鴻蒙玉樹婆娑之下銀沙拂拭之中青女素
娥相約按歌歲暮鄒生枚叟一齊颺拜年豐縞同凝谷絮
欲捫天摘芳徽於階上折萱草於庭前雙披鶴氅一握鷺
拳喜元律之應時散花度度幸陽春之合拍推手年年

餞春賦 以送君南浦傷如之何爲韻

梨花庭院宵開甕脈脈春愁疑酒中紅酣綠戰奈何天誰
家勒住東君鞵嗚不斷子規聲喚不醒春婆夢飛不醉金
谷觴挽不得離亭送載餞東門惆悵離羣驪歌一曲濁酒
半醺幾家細柳何處歸雲暫別黃金屋醉書白練裙燕子
重來應識我落花無奈恰逢君春云暮月逢三鶯聲促蠓
飲酣一夜閨愁如許小樓春夢何堪此日持觥盃兕當時
疊鼓祈蠶花飛憐侍女草鬪罷宜男醉倚闌干北魂銷江
水南亭短亭長風風雨雨有客思家斷腸聲苦典鷓鴣裘
擘麒麟脯啓婪尾筵澆趙州土折柳西出陽關賣茶人歸

冠悔堂賦鈔卷四

三

溢浦爰有征夫醉臥沙場胭脂滿地葡萄盈觴夢警龍堆
曉角情牽馬邑斜陽春風歸去也攜手上河梁儘此一杯
飲翻令懷抱傷蜜官稅駕望帝停車辨哥揚解內史擷蔬
玉奴負橐天女寄書金衣公子祖道紅樹歌童接輿曲水
觥籌交錯渭城冠蓋紛如春去長相憶春來未有期間春
春不語約春春不知春盤無兼味春韭雜夏葵勸春只樽
酒春醉不勝悲春愁黯黯春樹相思春江滾滾春水何之
慰餞畢繫情多或臨歧訴或載酒過或牽裾泣或擊筑歌
歌曰惜別初停織柳梭一鞭殘照醉顏酡板橋依舊桃花
渡綠葉成陰奈怨何

酒熟江南二月天賦

以題爲韻

巷認烏衣座邀紅友人恰受夫兩三圖欲消夫八九球雞
鳴初甕蠟泛後社公相賽熟將十廟之香仙姪有靈釀出
百花之酒於時二月氣和三春景淑桑落同斟葛巾獨漉
拍浮則天祿三升圖畫則建康一幅弔殘山於蔣帝六代
猶存話好夢於杜郎十年已熟爰乃聽鷓茂苑狎鷺吳艤
白板幾家築屋碧油何處飛幢塵生綺陌香撲玉缸勝日
重游且喜柳花壓店故鄉小住每懷桃葉渡江行行挈榼
去去停驂千鍾如渴一石非貪樹訪獅林之幻泉烹虎阜
之愁商量白水中分何清何濁多謝青山相送忽北忽南

冠悔堂賦鈔卷四

三

則有逸客留題騷人倚醉長依白下爲家不惜青州從事
好景難忘浮生如寄趁瓢兒之菜長沽將市價十千遲棟
子之花殘乞取天公閨二更有逆旅消愁芳園依罰落井
眼花扁舟散髮茶薇未報開齊鷓鴣不聞嗁歇此地賸四
百八十寺宜雨宜煙何人當三萬六千場不日不月况復
吳孃度曲宋嫂當筵嫋嫋東風無恙瀟瀟暮雨依然銜杯
覽古脫帽稱顛良夜聞簫廿四橋揚州之路前村疊鼓百
五日寒食之天且泊秦淮相依瓜步一角青帘半江紅樹
長條之柳絮仍飛滿徑之榆錢誰鑄笑客來兮不速靖節
能詩問天醉兮何哀蘭成作賦

山深四月始聞鶯賦 以題爲韻

茅屋三閒余家深山紅塵不到白雲往還園柳變候柴門
長關有告余者曰夏將臨矣春已深矣人迹斷絕何來鳴
禽尋聲而辨乃在繁陰如弄簧之巧如投梭之音噫嘻此
非鶯耶胡爲後至青帝東歸月已更四亭臺無主落花滿
地余有婪尾餘懣請與金衣公子同醉小窗讀易獨坐兀
兀入硯楊花渾忘歲月與吾游者麋鹿同羣與吾處者巖
巖萬笏微子一鳴不知年華之倏忽嵐光蔥鬱淺寒未已
氣候不齊迴殊城市商庚鼓吹宜自今始斗酒雙柑洗箏
篴耳公子俯首而肯之道余解事早謝塵氛山中避世黜
陟不聞筍蕨一飽別無紛紜結枝頭之好友衆有託而欣
欣非春三有閨尙留餘情非閒關饒舌不減其聲惟重巒
疊嶂後得氣乃鳴不觀天津之杜鵑知自南而北何論乎
一鶯余感公子之好音歎美人之遲暮閉戶以來苔蘚當
路綠葉成陰欣焉散步忽振觸乎春聲因婆娑於春樹山
靈有知請余爲賦

布穀聲中夏令新賦 以題爲韻

鷓鴣催歸春色暮東皇命駕不肯駐鳴禽一夕變新聲有
誇如歌脫卻布萬頃平疇已停叱犢課雨占晴黃褐逐逐
臺笠東蕃三攢五簇飛鳴樹閒有日撥穀辨割麥兮髣髴
催插禾兮分明買鏡頻促食棖初生似勃姑之喚如郭嫂
之迎一百八箇更幻其聲於時田歌互答炎帝颯風深山
曉午日脚微紅正清和之令節聞渙汗於天公乍斷乍續
乃西乃東四郊如野壹鳥在中雨絲如煙羣依桑柘十里
香泥一宵鷹化班班何來不遑休暇勞催耕兮相呼屈南
詭之首夏祝融稱神五德爲盛赤旗載前田峻聽命咨爾
農夫力作惟敬秧馬馳驅勿違甲令乃下布之曰嗟彼鳩
兮趣我良辰鳥且有知何況於人自今日始咸與維新又
曰戴雋旣降將子是哺可以人兮罔不知悟田事各勤毋
忘國賦

六月十九日祝觀音大士誕辰賦

以荷花世界柳絲
鄉爲韻

稽首慈雲合掌歌天開火繖祀娑羅先期五日紅衣祝相
對花花萬柄荷維觀音大士降生天竺法會中華六月望
後頂禮千家合春仲與秋季凡三度兮無遮證菩提之果
見優曇之花寶月宮中胡天胡帝日長小年心持半偈鑪
火薰檀晶盤薦荔溯覽揆於三庚四庚結因緣於千世百
世瓜李滿庭笙歌一派億萬劫則龍女皈依五三參則善
才膜拜有救苦救難之經受不滅不生之戒前身宜男受
福下界則見檣進孩提觥稱子婦擊鼓撞鐘左漿右酒長
羸占時無量上壽涓洲來赴宴之林海上海得傳書之柳更

冠悔堂賦鈔卷四

三五

有宰官飲耐島嶼合祠競頌如岡如阜來瞻大慈大悲雨
花都滿日午不知指頭疑燒十炷塵垢不挂一絲年年此
日宣梵王千手眼兮歡喜場躋堂那有櫛櫛子且挈魚籃
歸故鄉

秋聲賦

以歐陽子方夜讀書爲韻并序

秋聲賦爲歐陽公夜讀而作也公歷事仁宗英宗神宗凡三朝感時嫉俗一一於秋聲發之蓋三復其詞所謂傷夷戮而感飄零者非空言也於時西夏不靖邊事方亟諫官箝口羣小在側卒至僞君子出秉國政徒以強辯堅僻紛更新法而老成人不惜矣三舍人逐矣臺諫一空矣譬諸天地晦冥萬物疾苦唧唧啁啾環吾斗室可勝言哉爰申其說更爲賦曰

神京北拱大火西流嗟我生之何晚撫時局而隱憂豈真日下江河不如一蟹似此大材梁棟可要萬牛天下嗷嗷問劬勞於鴻雁斯人楚楚笑朝暮之蜉蝣悲哉此聲胡爲而秋一寒誰念大官樓臺無地長嘯能驚羣虜節鉞何愁清節相聞猶有四賢歌蔡移書是謗可堪五月竄歐維公遭時多難觸景自傷半生艱危五夜徬徨參兩閒之造化辨一氣之翕張草木皆兵長使三軍嘍喏江山非晝誰爲一代平章已非春官夏官莫談周禮此卽天籟人籟獨契蒙莊赤壁江心飛鵲下英雄之淚天津橋上聞鶻豈文字之祥相期孔壁金絲不韞不贖直悟蘧廬天地乍陰乍陽當夫日旰閉門神疲據几嘯歌不廢短檠歲月空嗟逝水四序成功而退燮理爲誰萬民疾苦何多號咷若此涼風

互答天末不免愁予噫氣何來大塊竟相假爾側耳頻驚
廢書欲起天荒地老卻愁鐵騎千山月淡星稀長望觚稜
萬里顏色幸留老圃難逢晚節相公噢咻請繪監門誰是
丹青君子俄而蕭騷宵永感喟更長商飆四壁柝火一堂
偕隱有琴夢高山於淮潁思親一表訴片石於龍岡眼前
誰庇萬閒如山廣廈塞上可憐九月似戟長楊視夜漫漫
歎彗星之何指問天莽莽愁蝕月兮無光九章如謁迴風
鞿羈南國萬竅可通帝座呼吸西方矧更歲序蹉跎老成
凋謝江關將賦暮年斗柄忽迴涼駕或未秋而先零或旣
秋而倏化長念竹林司戶紙灰著地能生空懷元夕將軍

冠悔堂賦鈔卷四

三

銅面自天而下黃鐘一管只愁累黍都非僧舍三椽誰復
斷齋自炙訪黨碑之姓氏半蝕蘚苔問新法於井田徒傷
禾稼寒心西徼歌謠已失故人射策南宮風月每思良夜
無何屏此塵氛遂予初服袞袞公登嚶嚶我獨只談今夕
奇聞敢享吾儕清福晦明日月名山自有四時變幻雨風
大廈豈支一木歎衰齡之蒲柳詔許乞骸搜古篆於荆榛
老猶娛目傷哉子野山邱長謝燕鶯已矣曼卿歌吹祇餘
樵牧三友僅存直講道在與稽一篇曾借昌黎愁來重讀
噫嘻乎呬唔一室荏苒三餘歎老臣兮零落惜童子之居
諸百憂叢集萬事乘除有兒解賦鳴蟬悟乾坤之消息我

母曾教書荻痛風木而歛歔莫愁桐樹心枯惟靈斯感獨
對桑榆歲晚有觸皆虛六地蕭條望三川之斥堠幾人憤
憑拚一醉於環滁辨姦空賸老蘇未雨先知潤礎驅狄莫
論小宋如椽曾燭修書

冠梅堂賦鈔卷四

三

秋聲賦

以歐陽子方夜讀書爲韻并序

秋爲西方正位也於五音屬商秋聲亦氣之正乃歐陽子夜讀有感曰不聞號令曰聲在樹閉殆以陰氣滋甚伏而不宣深慮夫正聲漸滅耶爰爲賦曰

衆響何闕隱約林邱匪晝而夜匪春而秋何羣陰之煽動助回風而颺颺謂此非惡聲也胡雞鳴兮歐歐天地萬竅神鬼一堂我欲呵壁叫嘯大荒吞羲爻於兌位占下伏之二陽是猶晚雷隱隱而起南山之陽雌鳴若此問主宰於金天獨號咷而撫髀憫彼無知睡熟童子嗟今鞀鼓帥氣不揚一軍猿鶴已化沙場幺蟲啣唧乃在吾旁崆峒倚劍

冠梅堂賦鈔卷四

五

獨立西方四顧晦冥正聲曰下但聞啾嘈不聞叱咤二氣何乖顛倒造化灑清淚而憂時視漫漫之長夜長嘯使者深林潛伏晚節相公咨嗟仰屋空山無人涼颯肅肅書之歲華其曰可讀金石歌聲不廢草廬天籟人籟一一愁予欲起衰乎八代抱昌黎之遺書

維我

朝之神武兮有霹靂之將軍能飛行於千百步兮實資力
於億萬筋鑄洪鑪而鼓橐兮布四塞之煙雲俾魑結懾伏
兮化一氣於網緼忽雷霆驚天兮爲遐邇所共聞何犬羊
之足數兮咸辟易而不能羣是火攻之上策兮遍滌蕩夫
妖氛小臣執鞭從後兮請飲至而策勳溯厥礮之命名兮
實繁有徒始由大領小兮創子母之呼或攻城遠近兮計
開花之黍銖實心子與螺絲子兮審地勢所殊或前膛後
膛兮遲速之區或田雞象形兮短其喙而騰其軀終不若
劈山之精悍兮利塗負而疾趨此言陸戰兮非所論於海
壖彼駕矍矍而橫海兮宜於非岸非口溯雞籠開壘兮曾
殲乎羣醜嗟逼岸易潰人心兮守口亦虞掣肘維非口非
岸兮進退握其紐必火繩準尺寸兮高下得手儻遠颺而
轟於波濤兮不敢必孰吉孰咎況所資之船兮有明輪暗
輪嗟明暗之非法兮每中傷而逡巡又不若臥輪善避兮
匪火力所能神粵有水雷兮良佐之臣碎寸鐵如飛星兮
海若見之眉顰必相輔而行兮可無敵於十萬由旬更有
臺兮水耶陸耶陸之礮臺兮疊石遜於囊沙宜銳不宜平
兮當相錯以犬牙水之礮臺兮必轉輪而四嚮無遮彼敵

之左右兮如魚之在叉繫彼子兮何物爲工揆五金之品
兮錫不如鉛與銅若金銀更烈兮糜費易窮至藥所需兮
古有蜣螂糞爲功和硫黃與炭灰兮今借人力爲磨礱望
金包里兮何黃氣腫脹請收爲官物兮勿棄荆棘之叢灰
雖木不如藤兮黑色白色之不同苟製造得人兮多寡適
中亦何敵不摧兮一震而三日聾噫古有范蠡兮創爲蜚
石愈幻愈奇兮更名千百海山蒼蒼兮祝融化赤海雲漫
漫兮馮夷閃碧旌旗百道兮蔽天如雷雷電千尋兮衝波
遠射朝復潮兮夕復汐噓蜃氣兮立蛟脊賓服四裔兮銷
鎔金液願祝我

冠梅堂賦鈔卷四

皇兮梯航重譯

礮賦不拘韻
有序

案說文無礮字或曰軒轅作礮呂望作銃其說不足據
三代果有是器何沒長未收耶或曰後漢書袁紹傳注
霹靂車卽今拋車以礮亦作拋然說文有標字無拋字
後人謂標通作拋訓拋擊也徐氏新坵亦未探及究之
在古不過機石而已范蠡兵法有蜚石之制殆權輿歟
蓋春秋之末將變爲戰國機械之心日甚制器之毒愈
奇泊明有稱爲佛郎機者

國朝開創之初始創子母礮康熙雍正間

命西洋人南懷仁製洋礮用以削平海內賓服四裔其制

冠海堂賦鈔卷四

三

益宏總之外洋凡器胥本中國我不爲已甚之舉恐陷
溺人心一變不可收拾而彼乃貿貿然爲之於此獨專
其巧究不外一機字互相取法或曰機卽礮也與礮之
从石意同顧說文無礮字以激通作礮漢儒去古未遠
祇言激發亦無取於機械爲也爰爲賦曰

噫嘻乎漢陰丈人鑿隧而入抱甕而出或告以挈水若抽
爲楫之術旣忿然曰是有機心爲道所黜彼蒙莊之寓言
猶春秋之特筆乃范少伯蜚石作備機事日深一至洵洵
以機召機代相接踵而礮之名傳遂相恃以無恐夫其始
機也行三百步投石絕倫雖七雄干戈並起不習其法於

縱人橫人迨夫陳倉之役四角嶙峋用擊衝車厥石乃神
繼而隋有火藥雜戲機心猶祕而未伸洎唐亦祇機石尊
爲將軍稱之曰礮非以火焚宋乃霹靂百里雷聞爲之以
紙散如煙雲有石灰硫黃之實亦曾用以策勳金人守汴
始易爲鐵其形如鐘機事更烈然鐵不常有或磁是挈至
明而佛郎機作機心至此大泄嗟夫邦交之禮春秋所尙
曾鄙火攻猶懷揖讓降而戰國游說近妄未聞耀兵列此
利仗胡機械而機事而機心迄於今兮犬羊相抗顧或者
曰知已知彼先利其器然我

朝以仁爲治無取烽燧請修其孝悌忠信以撻東西之異

冠梅堂賦鈔卷四

三

類何必效鴟夷子爲千古機械之禍始敢化雷霆爲日月
用以照臨乎大地

碁劫賦 以碁子聲疏識苦心爲韻

後先一著勝負經時銜枚潛渡易位互持注全神之耿耿
守跬步之規規誰是冠軍自許世無敵手豈真禦寇可堪
事付羣兒比將大地羊紅請數胡僧之劫話卻當年獨白
能翻妃子之碁當夫清簟疏簾古松流水彼此兮手又兩
三兮角倚初登揖讓之邦猶斂縱橫之技未成對壘剛開
黑白於兩廡各占寬途待決雌雄於一紙欲共消磨長日
疑爲太古遺民幾同寥落晨星略布高天數子及其恣相
掉闔計乃輸贏若馳若驟誰敗誰成欲借籌乎前筋恐自
壞乎長城十訣留心莫更得時貪勝一方著眼大難絕處

冠悔堂賦鈔卷四

三五

逢生供二叟之笑談雖爲小數訝八公之幻化能奪先聲
彼非棄地我勿離居妙能通於神外勢須蓄乎機初好謀
進退無失疾徐具得一從二之儀有似投壺計馬薄朝四
暮三之術奚同賦芋分狙莫問爛柯童子何知歲月堪嘲
爭道家兒不辨親疏此亦談兵是能辨賊畫策中邊論功
頃刻一枰列乎鼓旗四塞分乎畛域合比田疇如郢畢集
千夫深防陷窞在前當思一得出地正當入地並軌不容
上天仍復下天差池宜識蓋其爲劫也猛若拔螯急如搗
鼓問毫釐而毋訛視罅漏以自補彼立或離我投忽聚擬
浮雲之明滅倏去倏來譬孤月之升沈乍吞乍吐橫肱弗

許堪稱奪席之雄著手能強共說斬關之苦爾乃疏疏落落
落覓覓尋尋屢煩凝想幾費沈吟不異單車深入何殊獨
騎來臨自保一隅非請和以相許恰逢七度旣稍縱而還
擒是真尺寸不遺戰陰陽兮以血爲問方圓何在見天地
兮此心

冠悔堂賦鈔卷四

某劫賦

以某子聲疏識苦心爲韻

東南一角天地四垂正換羊紅之地不逢獬白之時治亂
關天小數亦應有劫王侯在位長安爲底如棋原夫棋也
說縱說橫知彼知此功定指麾危驚積累曾賭相公之罽
驅遣兒曹易灰樵者之柯須與甲子有劫焉凝思勝負著
眼死生譬萬人兮敵在悟一著兮先爭非同乞守宣城一
紙君臣之戲如聽麀兵滇海千年雷雨之聲地何夷隘時
有孤虛自雄誰智非種必鋤如何好手善饒滿枰竟失太
息無人持急覆局多疏爾乃八陣空排兩隘自忒我難倚
角爲憑彼竟鉤心叵測飽看終日敢云博奕猶賢事敗垂
冠悔堂賦鈔卷四

三

成此則滑釐不識客有袖立旁觀簞閒靜撫消日雖長救
時無補安石何勞折屐空懷風鶴之悲麻姑幾見揚塵重
話滄桑之苦古松仍健流水至今橘叟豈真負負胡僧久
已沈沈卻愁瓜葛滿前都成左計爲語河山無恙莫負初
心

瓶笙賦

以響出雙瓶自然吟嘯爲韻

中冷二泉日鑄五兩雷茁春芽露收仙掌叶才律之鏗錡
足一壺之供養昌黎有詠幾疑石鼎聯吟子晉未逢何似
緱山送響昔劉幾仲之餞東坡也縱飲十觴清談一室開
茗戰於旗槍訝邊秋之筆策如泡如漚忽徐忽疾交火炎
而漸上瓶竅噓來溫湯沸而在中笙詩奏出時則徙倚斐
几寂寥璫窗天籟未發酒兵甫降呼渴羌於末座入小杓
而分江荻炭烏銀暖炙鸞咽一一花瓷紅玉輕浮蟹眼雙
雙旣尋聲於縹渺更轉韻乎瓏玲同音有磬建屋如瓴龍
團半月魚沫千星恰宜隔竹煎茶山童敲臼無事當壚貰

冠梅堂賦鈔卷四

三七

酒神媵攜瓶俄而獨繭長縑幽簧清吹軍持取水之班姑
洗移宮之次兔褐滌煩鳳箭破睡瀹將五斗社前更數雨
前吹徹三層東自條兼西自霏霏翬霧裊裊曩鑪煙如竽如
瑟非管非絃比蜩笛之繞砌恍鴿鈴兮在天甌輸綠螭之
租先生富矣鑄集蒼蠅之笑下士輾然坡公乃靜中景悟
物外趣尋觀器幾同守口當筵於以洗心鶴飛丹竈鴻送
素琴鸚鵡簾前按拍曾傳團坐蝦蟆碓下覆盃能作長吟
夢解宿醒詞成絕調檢點松牌安排藥鈔迴玉管而共摻
挹金莖以自療補紗帽隱囊之伴室可藏經助銅琶鐵板
之豪軒還命嘯

飴簫賦 以簫聲吹煖賣飴天爲韻

榆羹已熟杏粥初調度棠梨之小陌轉阜筴之新橋十里
紅塵誰效唐宮擊鼓一肩春雨不同吳市吹簫或掄或簸
以煎以烹春光似醴人意如醒卻輸酒價十千頻年生計
已過番風廿四何處尋聲爰乃穿花低唱截竹斜披正拾
翠蔕蕪之月剛湔裙芍藥之時一笑攔街多垂涎而相慕
無腔繞郭獨信口以自吹維時妝點筠籠安排竹盃村後
村前亭長亭短如伴桃花之飲拒妝分甘如開竹葉之樽
屠蘇送煖恍煎餅之良辰續題糕之佳話炊紅米於中宵
煮青精於上界惟求形似食前之獅子同珍儻待秋來江
上之鱸魚再賣年年寒食處處春城非絲非肉如管如笙
吹殘一角夕陽牛背則參差著笠穿遍六街垂柳馬鞍則
大小名飴寒畦頻踏深巷遙傳記取相逢三奏豈真不值
一錢斷續竹聲蹴踘相逢之地高低人影鞦韆欲下之天

餽簫賦

以簫聲吹煖賣餽天爲韻

春歸一百五日人在二十四橋榆羹乍挹槐火未消市塵
寄歲歲生涯不辜蠟屐歌吹話年年社事誰諡洞簫簫兮
何取餽兮何名幾同粥鼓差似瓶笙笑倩山妻計十倍錙
銖之利歡呼童子識三叉斷續之聲於時半肩躑躅一片
參差穿楊柳微風之曲度櫻桃斜日之歧長亭短亭十里
之市音雜出天籟人籟一池之春水皺吹爰裊依依爰歸
緩緩雲收粒粒之村煙斂離留之館如網珊瑚於海上一
顆月明如膠琥珀於松陰千年日煖巷陌放晴江天入畫
綫曲珠凝杖頭錢挂最宜有女乞漿數遍桃開不似彼傭

冠梅堂賦鈔卷四

三五

請益笑將菜賣則見相逢低唱幾度高擎遙和催花之羯
如聞祈麥之鉦已過撲蜨良辰漪裙在水翻笑獵蠅記室
塗扇用餽風光倏轉逸韻頻傳抑揚柳陌邂逅芝田何處
青帘走馬六街之路誰家白板鬻蠶三月之天

鶻簫賦

以簫聲吹煖賣鶻天爲韻

石飴雙榼玉柱半挑正祓重三之水還穿第五之橋寒食
已過誰爲介推乞火吳門何處不同伍子吹簫別颺逸韻
更飲香名釀花百和截竹一莖占晴聽江上之風塔鈴自
語祈歲值日中之市社鼓聞聲時也初收宿雨乍放朝曦
音旣調乎斑管光若滑乎銀絲紫陌紅塵如炙說膠牙之
品山村水郭無腔多信口之吹紅日已中青煙欲散笠影
遲遲屐痕緩緩笑垂涎於童子尋聲則非肉非絲累洗手
於廚爨調酪則乍寒乍煖俄而垂柳交飛夕陽斜挂寄燕
脯兮幾家雜鶻簧兮一派辨食單之高下蔗尾重評譜閨
怨之淺深杏花又賣粉隨蝶膩蜜藉蜂成百錢乍賺一握
相迎恰逢處處尋芳兼味重添麥飯差似年年中酒解醒
誰賜花鶻於是終一闋卸半肩賣菜相逢屋角賣魚同駐
江邊爲問弄孫此卽含飴之地是堪娛老如聞擊壤之天

中丞菜賦 以題爲韻

中丞寶應王公 凱泰 以署中隙地種地瓜卽番薯取初
生嫩葉淪以湯和以肉爲羹餉客林賴叔方伯食而美
之名曰中丞菜誌所始也中丞命 俊 題詠敬爲賦曰

十年芋火千里蕪風和羹用汝每飯思公用佐晨羞夕膳

底須春韭秋菘蔽得根香百事如今可作合將鱗美五侯

所望從同拜嘉有兆味道無窮非蔗漿之熱解比齋粥之

飢充誰爲奉使張騫首藉偏歸塞外我識大名諸葛蔓菁

共數蜀中爰有苗焉翼躩遺種 番薯產呂宋諸羅志云呂

宋居於巽巳入翼十度臺 翼背接呂宋當值 閩書萬厯甲午歲荒巡撫金

冠悔堂賦鈔卷四

聖

之以當 穀食 商羊舞而不殄 葉向高金薯賦 元豹爍以如蒸 葉

爍烈日以如蒸又 金泥值賤 何喬遠金薯頌令金而如泥

練元豹而蒙戎 山之禾瑤池之桃人 玉枕甘凝 羣芳譜甘藷一名朱藷一

以之爲不死之大藥 廣人以 詎名諸兮同品 博雅藷與薯預也唐

當米穀 稱薯蕷山藥也 每懷南國豆籩報本拜先薯之祀 烏石山

祠上祀先薯及金巡撫配以長樂處士陳振龍卽始得薯

種於外番者次爲振龍子諸生經綸請種薯於金巡撫者

太學生陳世元著金薯傳 習錄所載種植顛末甚詳 商略西湖杯勺加餐來補竹之

朋湖書院公有玉堂補竹生印 迺掀隙地競採修藤日月

再中此卽雙葦學士文章大塊斯爲秋實家丞於是斫縷

雪翻 施楠金薯賦水晶盤 溜匙瓊碎 陳琮金薯頌雪堆瓊

碎注引草木狀云蒸

切暴粳冰藕之瓏玲陳騷金薯賦柳蓬壺泛松花而澡漈

收鄭應侯金薯八玉粒頻堆鄧爲網金薯詠盤銀羅乍配王

詠色泛松花冽奮金薯十詠淨百年麤糲足廣廈之歡顏一勾解醒話金

淘玉屑出銀羅鑿而曝背喜凡民此色胥蠲有空谷餘香可佩五味陰陽

四時鼎鼎追陪天上且開光祿之廚笑語樽前重喚元修

之菜惟我中丞手和甘酸心安菲素淡泊爲天澂清式度

承

恩久渥醒醐接土不遑吐哺自愧顛蒙迭叨款晤閉門種

汝笑未遇之英雄拖甕嗟余竟不如平老圃公眞沉瀝授

餐我尙蓬萊待醮三命不忘餽口饅鬻留銘一篇聊讀殷

冠悔堂賦鈔卷四

望

腸菜羹獻賦

榭葉風微鹿養茸賦 以題爲韻

有葉縣尉黃魯直者溷迹麀農寄懷樸橄值夏日兮陰濃
對故園而睡熟身居昆水重尋蘿牖之游夢到江南暫託
蕉隍之宿自笑種花已倦一官胡不歸田肯爲饋米相迎
五斗有如此榭當夫綠樹四垂白雲千疊思兄他鄉苦宦
遠涉每因時而賦物魂夢可通更卽景以懷人笑談如接
重逢顏色長生認唐苑之牌未老年華合抱訪峽山之葉
雜時博鑪煙直炎繳日中挂游絲於天末聞爽籟於晴空
飛雀初高未下階除之食餉蠶已浴誰通山路之叢剛逢
解箨如龍呪出一拳新筍不特將雛有燕送來五兩輕風

冠悔堂賦鈔卷四

望

則見角仙下集麝父旁依雙丫自護一握初肥曾傳桑落
同斟憑誰益性安得伊尼共踏如汝息機一室結牀招隱
願隨孝緒三章食野補亡無待廣微乃飲澗泉乃穿林麓
非無迹之羚羊非初生之黃犢訪千條於花下似柳垂鬚
問百歲於山中如芝生肉自嘲演雅勞生竟不如鷗儻計
聽經幻影何妨是鹿蓋惟古木高生一陰漸長掎角未形
萌芽有象而榭也可以衛體無用束芻可以充腸奚煩拾
橡盤根一片已成町疇之場臥薦十年毋失胚胎之養況
復清和得令解阜能容扇餘温以入袖挹淑氣而指筇且
看樸社非材得天自庇莫誤蟾諸有角照月重逢宦海無

聊羨令宰獨飛雙鳥家山何處憶吳王曾獵五茸於是寄
遠投書緣情得句空谷心懸長江目注白麤在抱新來可
長十圍黃練收香午倦漫焚一炷更待良宵燈火讀元稹
然榭之詩何勞塵世機心笑呂溫由鹿之賦

冠梅堂賦鈔卷四

芍藥芽代茗飲賦

以羨爾託根天尺五爲韻

有餘甘氏宵分忽倦破睡無功色爲之變乃矍然而起曰
是何替人預此茗戰苦不上乎雙眉花似飛乎一片鏹異
左家甌猶陽羨問種何來采從花市婪尾筵開代庖或是
爲桐君所未收亦陸羽所弗紀森伯頭銜果何取爾花相
啞然非予作謔乃屬邢君驅遣芍藥摘我萌芽以供茗酌
解金帶之圍欲清人相託非瓜代兮已及非李代兮無言
道將入貢達於君門昔也酪奴貽誚今也國姝承恩兩叢
三叢之葉一寸二寸之根瓊塵春擣雲腴濃煎頭綱茗蕾
飛騎聯翩金槽繭栗如掉觥船喜皇英之下降開不夜之
長天茶神爲之解嘲曰子輔花王隸富貴籍忽戀旗槍爭
此一席代人療痕甘受水兒豈斯道耶直尋枉尺嗟此鳳
團不登苑譜異品獲寵終輸玉乳爾勿跂仙人之掌且日
與紅塵爲伍婆娑二十四橋明月相邀三五

一心呪筍莫成竹賦 以題爲韻

有饒太守者朵頤耽耽濫竽一一謀食孔殷鬪根弗恤口
有所求時恐或失乃語釋子曰爾莫爲竹左右相侵從吾
所好以饜厥心可以供七筍可以佐刀礮朝往而蹴夕向
而呪綳錦旣充斧斤不宥危矣此君傷哉吾幼釋子聽命
叩角乞憫放我于霄勿食殆盡公不聞乎誠齋有言忍口
不食高人愛筍太守繞籬大呼莫莫我將翻泥豈赦爾籜
勿爭滕薛胥受剝斫下令大索一錢五莖哀哀慈母生子
無成非天所戕乃人所烹鳳兮歸來無枝可宿繼長之材
吞聲忍哭旣噬花豬必然楚竹莫謂幸生竹不如肉一老
龍鍾旁皇呵護嘵聲不絕呪聲如故已成盜筍之橋空作
老饗之賦

冠悔堂賦鈔卷四

聖

紅蓮稻賦 以近炊香稻識紅蓮爲韻

笠澤懷歸松陵招隱有田可耕買鄰誰近十里桑麻半畦
葵董臨水柴門隔離木槿不染淤泥絕無塵坩厥土有稻
揚州所宜黑殊烏口白異虎皮色擬馬駿輦如羊脂天隨
子曰是名紅蓮可以療飢浙雕胡粒趨弟子炊弟子問曰
好事之家烹鯉淪魴邀先生飲曾不一嘗乃獨空腹長在
水鄉戀茲雲子溜匙而薄金甕爨香嗜好殊俗願聞其詳
先生曰此中真味難外人道百鬻雖甘不如一稻種五十
畝有彭澤老佐二七鮭有春韭早吾樂吾天杞菊環抱明
月荷鋤夕陽耘草一莖一花舍南舍北鸚鵡啄餘官雞輸
食會龍睛之設飯爲仙家所賞識如紅妝朝酣如紅渠淨
植如紅毯抽綫如紅衣濯色他若白漢鋪雪黃陸翻風烏
陵蘸水赤甲帶虹飛青尾紫辨色不同三穗九格咸輸此
紅惟吾道遙於畝南東晚飯當肉夜雨摘菘弟子唯唯而
退於時陂塘水肥尺蟹在田莎屋擺柳石門鳴蟬先生爲
黍乃集羣賢撫鬱林石之佳景吟皮益友之新篇曰處處
路傍千頃稻家家門外一渠蓮

西螺柑賦

東南荒外有建春山壺柑纍纍眾仙所攀靡移閩中之植
可駐海上之顏桑田三淺青鳥銜還千年一實流落人間
望氣東來蔥鬱佳哉盤根水抱絕島天開鑄金甫就倚雲
乍栽環珊瑚之籬落傍鮫蜃之樓臺挹天漿於渤澥間木
奴兮胚胎胡爲西螺得此美材蒼蒼海山巋然碩果日出
搏桑其葉婀娜晞仙子之華鬢舞天魔而枝鞞得地能靈
呼蟲誰裸乃結燕霧之廬更泛虎溪之舸白沙墩畔千株
阿拔泉頭萬顆嗟彼石城懷歸迷徑探佩囊之明珠叫天
雞而夢醒空弄金衣未生丹甌曾問種於神山攜斗酒而

冠悔堂賦鈔卷四

吳

往聽一水伊人於焉持贈詎同楚客之憐獨占貓羅之勝
仙掌九秋椰竹颼颼兩三錯落南投北投槎儻乘於天漢
袖欲裹乎浮邱偷桃卻疑曼倩採藥不數祖洲區問廬江
之月霜亞洞庭之舟方茲蠻徼可以命儒於時眉潭半鬢
肚山一抹綫社煙籠焰烽火活鎮亭之雲垂垂海豐之波
潑潑黃熟支離紅搓鞞鞞餘潤甘津能回香沫瀛壖剛到
侍臣爲報金莖解渴

蓼花賦 以紅蓼花疏水園秋爲韻

半江泛菼一葉聽楓月明孤嶼人立西風穗落微波十里
雙魚水碧花凝涼露四圍斷蟹泥紅新雁忽來天河欲曉
夢醒簾押之低冷入船窗之小畫出銜魚粉本長伴枯蒲
結成宿鷺寒栖半藏疏蓼痕黏溼雨影蘸秋霞沿隄一角
迷路三叉紅稻當門斜映雙扉之板紅衣在渚如開四壁
之花白影吹末黃菊香初何處孤帆過客幾家遠浦歸漁
靚妝天半夕陽濃濃淡淡罨畫江干星火密密疏疏寒蜩
仍叢瘦蛩乍起或臥菰蘆或依蘭芷生涯冷淡朝朝答箸
爲鄰竟體芳菲寸寸佩環如水蕭蕭之鄉簞簞之色恍疑

冠梅堂賦鈔卷四

兪

立鶴頂丹誰點閃鴉背墨下上三篙夕漲倦倚魚牀淪漪
六幅畫屏平分鷗國如葦花岸如杜若洲半開半落乍沈
乍浮罷釣人歸淺渚三更之夢捲簾夜悄長天一色之秋

水仙花賦 以出門一笑大江橫爲韻

所謂伊人乃入此室月是前身水爲今日好似凌波仙子
相思宛在一方剛逢戲玉天公不夜都成六出緊彼名花
獨具靈根既鉛華之盡洗惟冰雪兮堪論吐納非凡得食
不須煙火綺羅未識生身何礙蓬門條脫娟娟步虛瑟瑟
殘律風光歲寒良匹何處著淡妝號國南內無雙此中有
賦手陳王黃初第一塵海廓清魚龍叫嘯神妃解佩相逢
中婦流黃誰照好攀芳草美人何待蹇修且種梅花有弟
可同索笑爰植於瓶爰紉於帶羈有微波几無纖堪難得
照人秋水猶是藐姑儘教努力春華勿傷老大容顏媿媿
骨節瑋瓏天上之素娥無恙人閒之帝子初降請看編袂
六銖相伴依然漢殿獨薦寒泉一盞無情豈是湘江客有
涪翁悅此傾城老是鄉於煙水結平日之花盟好隨王母
起居簇簇衣裳雲冷可是女郎星宿年年河漢參橫

水仙花賦 以出門一笑大江橫爲韻

得水爲仙散花作室環佩珊珊千呼始出其形也翩蒸迥
雪灼若朝暎蘼波漾影襲月留痕所居在臨春之閣望仙
之門冰夷扣舷靈妃鼓瑟玉珥參差良時吉日有回翔而
來者爲湘夫人東皇太一乍陰乍陽神光四照雲想衣裳
清平同調獨拳拳而感甄誰千金以買笑望美人兮不見
隔一水之衣帶海碧天青相思無奈萬里姑山何小何大
娟娟水殿寶帳一雙星辰如此人在天杠獨弄珠於北渚
歌一曲之涉江歌曰梅第兮礬兄一顧兮傾城微波兮盈
盈霧斜兮煙橫

冠梅堂賦鈔卷四

水仙花賦 以出門一笑大江橫爲韻

若有人兮藐姑良匹不御鉛華惟炫冰質一水中央呼之
欲出悄立黃昏相對無言恍洛妃之攘腕靡倩女之離魂
斷雲一片明月當門彼其仙耶旣豔且逸曳玉輕裾圍香
斗室水殿無人弄珠一一棐几移來蠟燈高照鬢第梅兄
或歌或嘯本不染乎纖塵獨拈花而微笑一盞寒泉龍華
盛會之子儻來可人誰最不數中流竹王自大空碧飛淙
夕陽繫艘贈美人之環佩更要我以蘭茝相思何許極目
寒江蓬萊絕頂翠帶盈盈萬花俯首人是玉清自有淩波
羅襪何愁大河前橫

冠梅堂賦鈔卷四

山意衝寒欲放梅賦 以題爲韻

騷人登閣逆旅閉關寒蟄語噤獨鶴飛還浣花主人乃移
健步破愁顏計地拓弓料理一鋤之月測時拄杖商量十
笏之山於時修竹佳人故鄉來使寄書頻通燒燭未睡幸
梅蕾之初胎向山靈而把臂讓西瀛東兮無恙花下卜居
枝南枝北兮何先隴頭著意九疑蛟立一老龍鍾帳三巴
之在望間數點之誰客谷幽音闕洞寂塵封清福能修剛
脫朝衣醉臥天心如見正當臘鼓愁衝爾乃潛雷未破流
水獨彈鵑得氣兮忽訝龜有言兮永歎繁華可待俯仰何
寬未曾大雪干人天終送煖且喜春風容物歲不知寒則

冠梅堂賦鈔卷四

五

見獨樹弄珠伊人如玉吹黍乍蘇飛葭遞續舍之忽伸引
以相觸不孤馨第何愁世莫我知乃字藐姑差慰天從人
欲託命長鑱寄懷紙帳吐脈脈之芳心熟重重之淺釀霜
信報鐘曦光挾纈至日漫繙甲子九辨初消孟陬奚俟庚
寅一陽自放是知千崖布令百卉催開根蟠壁立香逐星
回好問綺窗之信漸颺緹室之衣運轉自天列宿曾添雙
柳氣通兼澤先葩又得一梅維甫也節有梅貞靜能山悟
至理默契彼蒼高歌祇行吾素一卷長留早春獨步捫遍
樽桑之篆芳國傳名贏他榛莽之場圯牆題賦

山意衝寒欲放梅賦

以題爲韻

試望梅關東君將還問著花未屬有無閒一陽已動乃在
乎千仞蜀山維山通氣有梅得地喜測天時剛逢小至嗟
人事之相催祇紅情與綠意青青未了誰的爲容灰飛緹
室泥起蟄龍忽萌芽之怒發正巫峽之波衝滋土脈破冰
圍青女卻步陽烏流丹春風次第至何有於歲寒花猶未
見先葩已足獨立湘妃布令迫促山靈曰可請緣木而求
所欲則有少陵舉杯剔開紙帳斂嚴威驅冷瘴使姑射仙
人出頭一放爲之吟曰天心何冷煖百卉此胚胎至理寓
先後南枝北枝梅已矣哉梅心兮自貞山顏兮漸駐生機
偶觸兮遂伸一笑相視兮如故是何異垂拱三年宋廣平
感時而作賦

山意衝寒欲放梅賦 以題爲韻

昔杜少陵值歲時之小至感天運之大還茫茫相對物
依關早春獨步凡卉都刪問彼梅兮著花未爾音闕兮在
空山地肺潛滋天心默寄一綫添長十年待字是歲寒兮
良匹露文章兮未易嗟欲放之何遲詎有意而無意如胎
彼鶴如螫彼龍層巒月缺疊巘雲封若蒼穹之護惜獨結
轡其芳蹤滿天鱗甲滕六折衝俄而漸微風力乍碾冰團
疑弄珠兮半吐恍古調兮獨彈悟葭灰之已動幻黍谷之
大觀生機旋轉頓失暮寒乃知蓓蕾初萌陽春有足已兆
天倪忽蘇鞞豕姑射見必依時湘妃喜而出浴得氣兮相
蒸同心兮所欲昔也舍而未伸今也綻而相向萬象包羅
十分醞釀融一握之銅瓶剔四垂之紙帳園丁告予南枝
先放一瓣顏開十笏容回隴頭有使來復聞雷比嘯鵑兮
忽觸非搗羯兮頻催山靈著意豈獨此梅讓東瀛西請廓
天步自逗豔陽不愁歲暮山與梅兮貫通梅以山兮依附
如見鐵石心腸欲倩廣平作賦

傷春賦

以地下傷春亦白頭爲韻

蓬山萬重碧城十二離恨有天埋愁無地歌黃竹而生哀
託杜鵑以化淚何處更聞鷓鴣如妒年芳不勞重勸石榴
已拚心醉五更玉漏可憐江令費才一榻鬢絲惟有司勳
刻意青鳥來兮紫姑去也香留解玉坊中草長鬱金堂下
夕陽無限儘挂游絲暮雨何遲猶疑飄瓦記月明於往事
蚌胎未必長盈爭花發之相思鳳紙誰能親寫一自招魂
不得問帝叩閻悔教投筆無慘應官走馬更無人處我獨
神傷悄翻柿葉空結丁香了了華年玉山丹旄沈沈消息
銀漢紅牆識紫府之仙人死前別苦隔青溪之神女臥後
宵長怎奈此情已是不堪追憶亦知無益未妨贏得清狂
悲哉瘦骨負卻芳春旣斑駁之莫繫况錦瑟兮如人天上
人閒崔郎好夢十年一覺江總前身重話却灰簾外之辛
夷寂寞忽聞長歎梁閒之燕子逡巡無端短翼差池感斯
文於風雨似此長河漸落悟昨夜之星辰惆悵誰多離披
我亦亞夫別細柳之營庾信用臨江之宅漫云歸日仙曹
空對座中醒客抱犀心之一點終古不寒寄燕脯而無人
獨來此夕麻姑留命大難桑海爲期徐甲入關豈分蕊珠
淪謫羽帳長褰錦幃遙隔圓蓋天青空庭地白醮霓旌以
通靈裁月扇而留魄無期一別何年重見夫人定所儻來

此會可通仙籍較黃昏之長短花下厭厭判歧路於西東
夢中脈脈已矣秦贅作此楚囚金徽豈無情之物芭蕉有
不展之愁柳眼花鬢東風無力天涯地角溝水分流光景
易銷燒鏡已非雲鬢離憂莫屬銀牀惜在井頭誰爲萬里
離魂化石洗將江水我是三生薄命聽鐘同上經樓

擗捲義山恐又爲優俳笑柄已巳二月二十八夜雨中

冠悔自記

安仁感逝微之悼亡我輩鍾情烏能已已所嗟宿紙易
盡落花不春羅綺語於玉谿倚新聲於錦瑟中年絲竹
不評詩窮二月風花難償淚債君乎自愛休徒傷奉倩

冠悔堂賦鈔卷四

附刻

五七

之神僕也有心聊共誌文通之恨 半櫚茶煙破夢回

姍姍珮影隔瑤臺傷春傷別渾關事如此人閒太可哀

文人恨事騷人怨君自悲歌我斷腸等是牢愁銷不

得十年塵鬢感滄桑已巳春日筱鋒林齊韶題於味秋

室

金縷翻新曲是古之傷心人語不堪卒讀衡也賦愁淹

賦別無此纏絲沈鬱恨只恨春歸太速燕憇鶯傷庭院

情賸蘼蕪一徑無情綠聽杜宇聲聲哭 鴛盟我亦難

重續驀提起卅年前事天乎尤酷願借酒杯澆塊壘難

掃閒愁萬斛止不住淚珠簸簸自歎浮生如斷梗向晚

來怕見鴉投宿邀明月伴孤獨已卯六月偶有所觸率
填金縷曲一解亦可稱同心之言否乎玉岑山民高望
曾題

冠梅堂賦鈔卷四 附刻

三六

冠梅堂賦鈔卷四終

五男
六男

輔
希
雪
校
字

12296

